

毛

鄭

詩

釋

毛鄭詩釋卷二

淮安山陽丁晏學

周道倭遲傳倭遲歷遠之貌 案釋文韓詩作倭夷文選

稽叔夜琴賦臨迴江之威夷注韓詩曰周道倭夷潘安

仁西征賦登峻阪之威夷注韓詩曰周道威夷薛君曰

威夷險也

潘安仁金谷集作
詩注引韓詩同

孫興公天台山賦路威夷

而修通注韓詩曰道威夷者也陸佐公石闕銘注引韓

詩周道威夷顏延年秋胡詩行路正威遲注韓詩曰周

道威夷又北使洛詩威遲良馬注韓詩曰周道倭遲

人據毛詩安
改當作倭夷

威倭聲相近夷遲通借漢婁壽碑得復衡

此後

門卽樓遲之變體也廣雅釋邱威夷險也義本韓詩漢書地理志右扶風郁夷自注引詩周道郁夷師古曰韓詩作郁夷言使臣乘馬行於此道倭郁亦一聲之轉

淇輿

輿也

嘽嘽駱馬傳嘽嘽喘息之貌馬勞則喘息 案說文疒部

疹馬病也從疒多聲詩曰疹疹駱馬又口部嘽嘽喘息也從口單聲詩曰嘽嘽駱馬漢書大人賦衍曼流爛疹以陸離史記司馬相如傳疹作壇古疹嘽聲相近廣雅疹疹疲也與馬勞同意漢書敘傳顏注引詩作驪驪喘息之貌

和樂且湛傳湛樂之久 案常棣和樂且湛釋文又作耽
韓詩云樂之甚矣

鄂不韡韡箋承華者曰鄂不當作柎柎鄂足也古聲不柎
同 案說文鄂部韡盛也從萑韋聲詩曰萑不韡韡文
選宣貴妃誄注亦引萑不韡韡藝文類聚引韓詩夫柎
之華萑不韡韡鄭以鄂爲華萑義本於韓詩也釋文柎
作柎字又作跗說文木部柎闌足也玉篇跗花萑足也
管子地員篇朱跗黃實注跗花足也文選東哲補亾詩
白華絳趺李善注引此箋云跗鄂足也跗與趺同左氏
成十六年傳有韡韡之跗注周禮司服疏引賈逵服虔

注跗謂足跗六月正義引雜問志曰韎韋之不注不讀如幅古幅字讀若富同與跗聲相近也又成二年傳三周華不注伏琛齊記引摯虞畿服經不音跗與詩鄂不之不同水經注濟水注華不注山青厓翠發望同點黛李白詩昔我游齊都登華不注峯茲山何峻秀綵翠如芙蓉皆言華跗之狀也

四牡傳雖夫不也釋文不音芳浮反與跗音同焦弱侯曰吳興

餘不溪作跗音讀

賓爾籩豆飲酒之飫傳飫私也不脫履升堂謂之飫案文選魏都賦注引韓詩曰賓爾籩豆飲酒之醜能者飲不能者已謂之醜醜飫聲相近初學記服食部酒引韓

詩夫飲之禮不脫屣而卽序者謂之禮跌而上坐者謂之宴能飲者飲之不能飲者已謂之醜說文西部醜私宴飲也

伐木許許傳許許柿貌 顏氏家訓書證篇後漢書楊由傳風吹削肺此是削札櫝之柿貌詩云伐木泔泔毛云泔泔柿貌也史家段借爲肝肺字晏案漢書楚元王傳肺謂斫木之肺札也此卽顏氏所謂借爲肝肺字也說文木部柶削木札櫝也從木出聲陳楚謂櫝爲柶釋元應見正經音義引蒼頡篇柶札也謂削木柶也瑜珈師地論音義引三蒼柶札也今江南謂斫削木片爲柶關

中謂之札

字本作檮，隸變作栝，又作栝實一字也。

廣韻二十廢栝斫木扎

也。晉書王濬傳：濬伐吳造船，木栝蔽江而下。魏書太祖紀：營梓宮，木栝盡生成林。五代史周顯德六年：役徒削栝爲匕，栝乃削木之名，故毛舉以況伐木之貌也。又

案說文斤部：所伐木聲也。從斤，戶聲。詩曰：伐木所。古所許通用。檀弓：鄭注謂高四尺許。漢書疏：廣傳數問其家金餘，尙有幾。所師古曰：猶言幾許也。張良傳：父去里所，復還師。古曰：行一里許而還。來劉義慶世說：張元與王建武初不相識，後遇於范豫章。許杜少陵詩：今復在何許。言何所也。

釀酒有萸傳以筐曰釀以藪曰漚 正義曰筐竹器也藪

草也釀酒者或用筐或用草於今猶然釋文釀葛洪所

寄反謂以筐漚音鹿酒漚本又作醕謂以茅漚之而去其

漚也案說文西部釀下酒也從酉麗聲水部黑釀酒也

從网從水焦聲大徐曰以縑帛漚酒漚昔酒也從水胥

聲昔禮祭束茅加於禩圭而灌鬯酒是爲昔正義謂用

草者用茅也與許君合下有酒漚我傳漚昔之也

無酒酤我傳酤一宿酒也箋云酤買也 案說文西部酤

一宿酒也一曰買也從酉古聲小徐曰謂造之一夜而

熟若今雞鳴酒也又醴酒一宿孰也漢食貨志引詩無

酒酤我夫詩據承平之世酒酤在官和旨使人可以相御也孟堅亦以酤爲買是鄭君所本也晏子春秋曰人有酤酒者爲器甚潔清置表甚長而酒酸不售韓非子作宋人有酤酒者訓酤爲買亦通

蹲蹲舞我傳蹲蹲舞貌案釋文蹲本或作增說文士部增舞也從士尊聲詩曰增增舞我釋訓增增喜也釋文引舍人云舞貌又引說文增士舞也今說文脫士字

吉蠲爲饋傳蠲絜也釋文蠲舊音圭案周禮蜡氏令州里除不蠲鄭注蠲讀吉圭惟饋之圭圭潔也賈疏云毛詩云潔蠲爲饋鄭從三家詩故不同宮人除其不蠲鄭

注蠲猶潔也詩云吉圭爲饕儀禮士虞禮記哀子某圭而哀薦之饗鄭注圭絜也詩曰吉圭爲饕古蠲圭聲同通用尙書多方不蠲烝釋文一音圭左傳成九年鄭人使伯蠲行成襄十一年鄭人賂晉侯以師惺師觸師蠲釋文又音圭呂氏春秋臨飲食必蠲絜高誘曰蠲讀爲圭

羣黎百姓傳百官族姓也 案堯典平章百姓史記集解引鄭注百姓羣臣之父子兄弟孔疏此下有黎民故知百姓卽百官周語富辰曰百姓兆民韋昭注百姓百官也丹鉛總錄引唐張說曰古者民無姓有姓者皆有土

有爵者也

如月之恒傳恒弦 正義曰集注定本恒字作恆釋文恆

本亦作絙同案說文二部恒古文作𠄎從月引詩如月之恆劉熙釋名釋天云弦月半之名也其形一旁曲一旁直若張弓施弦也白孔六帖引詩作如月之絙考工記弓人恒角而短鄭司農云恒讀爲袞絙之絙楚辭九歌絙瑟兮交鼓注絙急張弦也廣韻十七登絙恒同

靡室靡家玁狁之故傳玁狁北狄也箋北狄今之匈奴也

案漢書韋元成傳劉歆議曰臣聞周室旣衰四夷並侵玁狁最彊於今匈奴是也至宣王而伐之詩人美而

頌之曰薄伐獫狁至于太原又匈奴傳懿王時王室遂
衰戎狄交侵暴虐中國中國被其苦詩人始作疾而歌
之曰靡室靡家獫狁之故至懿王曾孫宣王興師命將
以征伐之詩人美大其功曰薄伐獫狁至于太原孟堅
以采薇爲懿王時詩史記周本紀懿王之時王室遂衰
詩人作刺蓋指此也與毛序文王時不合疑馬班所據
者三家詩也

釋文獫狁本
或作獫允

薇亦柔止傳柔始生也箋柔謂脆腕之時正義曰定本
作脆腴之時案廣韻二十三問菟兔運切新生草也腕

上同

歲亦陽止箋十月爲陽時坤用事 案周易集解荀爽曰

消息之卦坤位在亥侯果曰坤十月卦也

彼爾維何傳爾華盛貌 案說文艸部爾華盛從艸爾聲

詩曰彼爾維何爾正字爾借字

檀車幘幘傳幘幘敝貌 釋文韓詩作縵音同案說文巾

部幘幘車敝貌從巾單聲引詩此文糸部縵偏緩也從

糸美聲縵帶緩也從糸單聲廣雅縵縵緩也又縵縵縵

縵緩也義本韓詩

魚麗于雷傳麗歷也 案麗歷雙聲釋名釋言語嘗歷也

以惡言相彌歷也春秋僖元年公子友帥師敗莒師于

鄺穀梁傳作麗廣韻鄺郎擊切縣名在南陽亦姓鄺從

麗聲亦讀如歷

周書王會解江歷孔晁注珠名龍解角得也楊慎曰卽江驪也

又案小

弁正義曰離者謂所離歷小明載離寒暑正義曰至於今則離歷其冬夏寒暑矣漸漸之石云月離于畢正義曰又值月更離歷于畢之陰星

魚麗傳庶人不數罟 正義曰庶人不總罟集注總作緦

依爾雅定本作數案九罟傳緦罟釋文字又作總罟羔羊傳總數也東門之枌傳馱數也烈祖傳馱總也聲近義同轉相訓也

烝然汕汕傳汕汕櫟也箋云櫟者今之撩罟也 正義曰

釋器云櫟謂之汕孫炎曰今之撩罟皆以今曉古案釋
文櫟字或作罟同今釋器作罟郭注亦云今之撩罟本
孫炎說也文選吳都賦罟鯪鰕劉淵林注抑魚之器也
廣雅撩取也廣韻五肴罟抄綱

翩翩者騅傳騅壹宿之鳥箋云壹意於其所宿之木也

案說文騅祝鳩也或從佳一作佳從一者謂壹宿之鳥
也釋文騅本亦作佳爾雅釋鳥騅其鳩鴉釋文亦作佳
佳皆當作佳從佳一傳寫誤作佳也

不醉無歸傳宗子將有事族人皆侍不醉而出是不親也
醉而不出是溲宗也 案尙書大傳宗將有事族人皆

侍終日大宗已侍于賓奠然後燕私燕私者何也祭已而與族人飲也不醉而出是不親也醉而不出是渫宗也出而不止是不忠也白虎通宗族引禮曰宗人將有事族人皆侍並與毛公合漢儒去古未遠夫有所受之也

一朝右之傳右勸也 案楚茨傳侑勸也右卽侑之段借

菁菁者莪傳菁菁盛貌 案文選班孟堅靈臺詩注引韓

詩菁菁者莪薛君曰菁菁盛貌也桃夭傳菁菁至盛貌菁菁聲相近義與毛同集韻萍將先切詩菁菁者莪李舟說作萍萍廣韻二仙萍子仙切草茂貌

六月序伐木廢則朋友缺矣 案文選謝叔源遊西池詩
注韓詩曰伐木廢朋友之道缺與毛義同

于三十里傳師行三十里 案白虎通引曾子曰師三十
里

織文烏章箋織徽織也 案周禮司常疏引詩織文烏章
識古幟字詳見禮記釋注

元戎十乘傳元大也箋皆可以先前啟突敵陳之前行其
制之同異未聞 案史記三王世家裴駟集解引韓嬰
章句元戎大戎謂兵車也車有大戎十乘謂車縵輪馬
被甲衝扼之上畫有劔戟名曰陷軍之車所以冒突先

啟敵家之行伍也與毛公訓元爲大合鄭君謂啟突敵
陳亦本於韓詩也

如輕如軒傳輕擊也 案說文車部擊抵也從車執聲繫
傳云潘岳曰如擊如軒軒舉也廣韻五寘擊車前重也
輕上同又作鑿集韻鑿車前重也考工記轉人大車之
輶擊又曰大車平地旣節軒擊之任鄭注擊輶也說文
輶重毛訓爲擊亦謂車前重

約軹錯衡傳軹長轂之軹也朱而約之錯衡文衡也 案
說文車部軹長轂之軹也從車氏聲引詩此文烈祖箋
云約軹轂飾也

如霆如雷 案文選南都賦注引詩如霆如雷毛傳雷出
地奮震驚百里今傳無此文殷其雷傳有之李善引作
此傳誤也

車攻傳田者大艾草以爲防或舍其中褐纏旃以爲門裘
纏質以爲櫛間容握驅而入御擊則不得入左者之左
右者之右然後焚而射焉天子發然後諸侯發諸侯發
然後大夫士發天子發抗大綏諸侯發抗小綏獻禽於
其下故戰不出頃田不出防不逐奔走古之道也 正
義曰此等似有成文未知其事所出案穀梁昭八年蒐
于紅傳艾蘭以爲防置旃以爲轅門以葛覆質以爲鞞

流旁握御擊者不得入又云過防弗逐不從奔之道也
范甯注葛或作褐疏引徐邈云恐傷馬足故以毛布覆
之是傳亦作褐與毛公同穀梁爲子夏門人釋文引風俗通說
毛公之學出於子夏故所說符合蓋皆孔門授受之緒
言也太平御覽八百三十一引韓詩內傳天子抗大綏
諸侯小綏羣小獻禽其下是韓詩亦與毛同

東有甫草箋云甫田之草也鄭有甫田 正義曰鄭有圃
田釋地文也釋文鄭音補謂圃田鄭藪也案鄭說本韓
詩文選東都賦李善注引韓詩曰東有圃草薛君曰圃
博也有博大茂草也後漢書班固傳注引韓詩曰東有

甫草駕言行狩薛君傳云甫博也有博大之茂草也馬融傳注亦引韓詩東有圃草水經注王逸九歎章句引詩俱作圃皆本於韓詩也

決拾既飲傳拾遂也飲利也箋云飲謂手指相次比也

案鄉射禮袒決遂鄭注遂射韝也以韋爲之所以遂弦者也其非射時則謂之拾拾斂也所以蔽膚斂衣也賈

疏此篇及大射將射云袒決遂訖則云說決拾于公雖

射亦謂之拾說文飲便利也從人次聲引詩此文

周禮繕人

注引詩挾拾既次詩家說或謂挾謂引絃彊也拾謂韝扞也

助我舉柴傳柴積也箋舉積禽也 案柴段借字依字當

作孽說文手部孽積也從手此聲詩曰助我舉孽張衡

西京賦收禽舉爵薛綜注爵死禽獸將腐之名也李善

注爵聚肉名不論腐敗也廣韻五寘爵孽同疾智切

馮惟

訥詩紀石鼓文有孽字
宋薛尚功款識本無之

徒御不驚大庖不盈傳一曰乾豆二曰賓客三曰充君之

庖故自左臑而射之達於右膈爲上殺射右耳本次之

射左髀達於右鶩爲下殺面傷不獻不成禽不獻禽雖

多擇取三十焉其餘以與大夫士以習射於澤宮田雖

得禽射不中不得取禽田雖不得禽射中則得取禽古

者以辭讓取不以勇力取 案公羊桓四年傳一曰乾

豆二曰賓客三曰充君之庖何休解詁一者第一之殺也自左臆射之達于右鬲中心死疾鮮潔二者第二之殺也自左臆射之達於右髀遠心死難三者第三之殺也自左臆射之達於右膈中腸胃汚泡死遲穀梁昭八年傳曰面傷不獻不成禽不獻禽雖多天子取三十焉其餘與士衆以習射於射宮射而中田不得禽則得禽田得禽而射不中則不得禽是以知古之貴仁義而賤勇力也尚書大傳凡祭取所餘獲陳於澤然後卿大夫相與射也中者雖中不取也命中者雖中不取何以也所以貴揖讓之取而賤勇力之取也公穀及伏生何

休皆與毛合足徵毛公之學由來古矣周禮小宗伯鄭注引詩傳曰禽雖多擇取三十焉其餘以予大夫士以習射於澤宮而分之亦與毛公合賈疏不言是毛詩傳蓋鄭注禮時先通韓詩未得毛傳所引詩傳疑韓詩傳文也

玉府注引詩傳亦韓詩傳文

其祁孔有箋祁當作麇麇麋牝也 正義曰注爾雅者某氏亦引詩云其麇孔有與鄭同經義雜記曰唐人引某氏注爾雅或引作樊光樊氏漢人其引詩當本之三家故與鄭合則改祁爲麇本三家詩也晏案釋獸邢疏亦引詩其麇孔有大司馬注鄭司農云五歲爲慎後鄭云

慎讀爲慶麋牝曰慶釋文云慶字林上尸反聲與祁近
儻儻俟俟傳趨則儻儻行則俟俟 案後漢書馬融傳注
引韓詩曰駉駉俟俟文選西京賦羣獸駉駉李善注引
薛君韓詩章句趨曰駉行曰駉與毛公訓趨行合駉云
以車伾伾釋文字林作駉走也廣雅駉駉走也王逸招
魂章句駉駉走貌也說文人部俟大也從人矣聲詩曰
伾伾俟俟馬部駉馬行佻佻也從馬矣聲許君本韓詩
說也

鴻雁箋書曰天將有立父母民之有政有居 正義曰今
泰誓文案鄭詩譜序云遂爲天下父母使民有政有居

正義曰泰誓說武王伐紂衆咸曰孜孜無怠天將有立
父母民之有政有居

夜未央傳央旦也箋云夜未央猶言夜未渠央也 顏師

古匡謬正俗曰夜未央者言其未中也未久也今關中
俗呼二更三更爲夜央夜半此蓋古之遺言謂夜之中
耳鄭云未渠央按俗語云未渠央亦言未遽央遽與渠
同王楙野客叢書曰今人詩句多用未渠央事往往不
究來處渠字作平聲用按庭燎詩夜未央注夜未渠央
其據切兒釋文當呼遽只此一音謂夜未遽盡也古樂府
王融三婦豔詩曰丈人且安坐調絃未遽央又長安狹

邪行曰丈夫且徐徐調絃詎未央淵明詩曰壽考豈渠
央魯直詩曰木穿石槃未遽透並合呼遽史記尉佗傳
使我居中國何渠不若漢班史作何遽不若漢益可驗
也晏案史記張儀傳且蘇君在儀渠能乎渠亦讀爲
遽南史文學傳高爽書鼓云面皮如許厚受打未渠央
陶淵明雜詩嚴霜結野草枯悴未渠央文選魏都賦其
夜未遽庭燎晰晰李善注引鄭箋未渠央荀子修身篇
其義則渠渠然楊注渠讀爲遽古字渠遽通

可以爲錯傳錯石也 案說文厂部厝厲石也從厂昔聲
詩曰佗山之石可以爲厝漢書地理志五方雜厝晉灼

曰厝古錯字

祈父傳宣王之末司馬職廢羌戎爲敗 案周語宣王二十九年王師敗績于姜氏之戎韋昭注西戎之別種四嶽之後也說文羊部羌西戎牧羊人也商頌箋氏羌夷狄國在西方者也史記匈奴傳氏羌注姜姓之別故毛以姜戎爲羌戎

在彼空谷傳空大也 案釋詁穹大也文選西都賦注引韓詩曰在彼穹谷薛君曰穹谷深谷也苦寒行注亦引韓詩曰在彼穹谷考工記鞀人注穹讀爲志無空邪之空呂覽伊尹生于穹桑卽空桑也古穹空通用

不可與明箋明當爲盟盟信也 案釋名盟明也告其事

干神明也說文作盟從囧皿聲篆文從明作盟古文從明作盟

成不以富 案論語作誠禮記經解鄭注誠或作成

秩秩斯干傳干澗也 案干澗聲相近考槃在澗釋文引

韓詩作干文選吳都賦引韓詩考盤在干易漸卦鴻漸于干釋文引荀爽王肅云千山間澗水也聘禮記鄭注

古文間作干

無相猶矣箋猶當作瘡疾也 正義曰猶瘡聲相近故知

字誤也案鼓鐘其德不猶箋同周禮春人注引詩或春

或抗釋文抗音由又音掄今生民作或春或掄釋文音由又以朱反禮記檀弓咏斯由鄭注猶當爲搖聲之誤也秦人猶搖聲相近玉藻夫人掄狄鄭注掄讀如搖說文手部掄從手俞聲冲遠謂猶瘡聲近得之

周禮大宗伯釋文俞

李一音由釋元應放光般若經音義俞旬又作由旬或作由延

似續妣祖傳似嗣也箋云似讀如巳午之巳巳續妣祖者謂已成其宮廟也案裳裳者華傳似嗣也江漢召公是似傳似嗣良耜以似以續傳嗣前歲續往事也似嗣同音段借古讀巳午之巳已止之巳同史記律書曰已者言陽氣之已盡也說文巳已也四月陽氣已出陰氣

已臧萬物見成文章故已爲蛇象形正義引譜云子思論詩於穆不已孟仲子曰於穆不似古似已通用故鄭讀似爲已

約之閣閣傳閣閣猶歷歷也 案周禮注引作約之格格釋訓格格舉也郭注舉持物

君子攸芋傳芋大也箋芋當作幬幬覆也 案釋詁芋幬

大也許與芋同方言芋大也郭注芋猶許耳又許大也

中齊西楚之間曰許郭注許亦作芋音義同耳又奔音大

幬大也東齊海岱之間曰奔或曰幬說文巾部幬覆也

廣雅同土冠禮鄭注許名出於幬幬覆也釋名許幬也

幪之言覆言以覆首也許芋苒幪並聲相近

如鳥斯革傳革翼也箋如鳥夏暑希革張其翼時 案釋文韓詩作翽云翽也與毛義同說文羽部翽翽也從羽革聲廣雅翽翼也皆本韓詩

噦噦其冥傳冥幼也 正義曰冥幼釋言文爾雅亦或作窈孫炎曰冥深闇之窈也某氏曰詩曰噦噦其冥於義實安釋文幼王如字本或作窈崔音杳案崔靈恩音杳甚是說文冥幽也從日六一聲日數十十六日而月始虧冥亦夜也玉篇冥窈也夜也王肅安改毛爲幼而郭璞注雅誤從之當以崔本爲正與孫炎合

三身言身
二
載弄之璋傳半圭曰璋 案說文剡上爲珪半珪爲璋白
虎通文質引禮曰半珪爲璋毛公據古禮文也

朱芾斯皇箋芾者天子純朱諸侯黃朱 案說文市鞞也

天子朱市諸侯赤市

載衣之褊傳褊祿也 釋文韓詩作褊音同案說文衣部
褊緜也從衣番聲詩曰載衣之褊集韻褊或褊字毛作
褊段借字當依韓詩作褊

載弄之瓦傳瓦紡塼也 案說文寸部專一曰專紡專缶

部罇瓦器也從缶薦聲廣韻二十二霰罇紡錘集韻罇
一曰紡甌說苑千金之寶用以間紡不如瓦塼曹昭女

誠古者生女三日弄之瓦墀明其習勞主執勤也

其耳濕濕傳呵而動其耳濕濕然 釋文呵本又作齟亦

作齟丑之反一音初之反郭注爾雅云食已復出嚼之

也今江東呼齟爲齟音漏洩也案釋獸牛曰齟羊曰齟

釋文齟郭音泄息列反齟字林以爲古齟字說文齒部

齟吐而噍也從齒台聲玉篇呵牛噍也廣韻七之齟牛

吐食而復嚼集韻齟或作齟

憂心如惓傳惓燔也 釋文韓詩作炎案說文火部夭小

憂也從火干聲詩曰憂心夭夭又心部惓憂也從心炎

聲詩曰憂心如惓廣韻二十四鹽夭字林云小熱也

維周之氏傳氏本也箋氏當作桎鐐之桎正義曰孝經

鉤命決云孝道者萬世之桎鐐說文云桎車鐐也案正

義引說文今本無之說文氏至也從氏下著一一地也

聘禮記鄭注今文至爲砥桎從至聲氏桎亦聲相近

說文

車部鞞抵也禹貢覃懷底績史記作致績

俾民心闕傳闕息也案說文門部闕事已閉門也從門

癸聲玉篇闕息也後漢書楊璇傳剽人盜邑者不闕時

月注闕息也

蹙蹙靡所聘傳聘極也箋蹙蹙然雖欲馳聘無所之也

案文選登樓賦注引薛君韓詩章句聘馳也箋本韓詩

方茂爾惡傳茂勉也 案傳本釋詁茂與懋同漢律志顏

注林古茂字

天之扞我傳扞動也 案說文扞動也考工記輪人則是
以大扞鄭注動搖貌方言扞不安也文選吳都賦劉逵
注扞搖也李善引詩傳此文

執我仇仇傳仇猶瞽瞍也 案釋訓仇仇敖敖傲也注
皆傲慢賢者釋文敖敖本又作瞽舍人本傲作毀云仇
仇無倫理之貌瞽瞍衆口毀人之貌說文言部瞽不肖
人也從言敖聲廣韻瞽不肖語也楚辭九思令尹兮瞽
瞽王逸章句不聽話言而妄語也

員于爾輻傳員益也 案廣韻二十文員益也說文員物數也從貝口聲數有增多之義引申之故爲益

昏姻孔云傳云旋也 案左傳襄二十九年晉不鄰矣其誰云之杜注云猶旋旋歸也說文雲山川氣也從雨云象回轉之形古文省作云云象回轉故毛訓爲旋取旋轉之象此云之本義也

𠂔𠂔彼有屋傳𠂔𠂔小也 案說文人部𠂔小貌從人𠂔聲詩云𠂔𠂔彼有屋細亦從𠂔聲故爲小貌玉篇𠂔小也亦作𠂔廣韻四紙𠂔斯氏切小貌詩云𠂔𠂔彼有屋本作𠂔𠂔𠂔小貌與𠂔音同

蔽蔽方有穀傳蔽蔽陋也箋穀祿也釋文云方穀本或作
方有穀非也 案後漢書蔡邕傳注引詩小雅速速方
穀蓋謂小人乘寵方穀而行方猶竝也與陸氏方穀本
合李賢訓穀爲車穀異於毛鄭

十月之交大夫刺幽王也箋當爲刺厲王作詁訓傳時移
其篇第因改之耳 正義曰中侯曰刺者配姬以放賢
刺豔古今字耳擲雒貳曰昌受符厲倡嬖又曰山崩水
潰納小人家伯罔主異載震剡與家伯與此篇事同山
崩水潰卽此篇百川沸騰山冢萃崩是也如此中侯之
文亦可以明此爲厲王但緯候之書人或不信故鄭不

引之又尚書緯說豔妻謂厲王之婦案鄭君謂十月之
交雨無正小□小宛爲刺厲王漢書谷永傳閻妻驕煽
日以不臧顏監注引魯詩十月之交篇此日而食于何
不臧又曰閻妻扇方處言厲王無道內寵熾盛政化失
理故致災異日爲之食爲不善也則知箋本魯詩非鄭
君之臆說也漢書劉向傳上封事曰下至幽厲之際君
子獨處守正不撓衆枉勉彊以從王事則反見憎毒讒
愬故其詩曰密勿從事不敢告勞無罪無辜讒口瞽瞍
當是之時日月薄蝕而無光其詩曰朔日辛卯日有蝕
之亦孔之醜此下引十月之交篇甚詳毛以此爲幽王

詩子政兼言幽厲

又曰自此之後天下大亂厲王奔燕幽王見殺

蓋中壘世傳

魯詩參用申公說也又案鄭氏謂毛移篇第正義謂韓

詩次第亦與毛同是毛韓本合也漢書古今人表下下

皇父卿士司徒皮

毛詩作番音婆韓詩作繁古讀繁皮皆音婆

大宰家伯膳

夫中術內史掇子趣馬蹶師氏萬

顏注萬讀曰攜

並繫幽王之

下仍從毛公說

百川沸騰傳騰乘也

案文選甘泉賦注顏延年侍遊蒜

山詩注引韓詩薛君章句騰乘也與毛公合易咸卦滕

口說也釋文滕九家作乘

謀猶回適傳回耶適僻

釋文通韓詩作馱義同案文選

西征賦注引韓詩謀猶回次薛君曰回邪僻也幽通賦
曹大家注引謀猶回穴云僻也是毛韓義同

是用不集傳集就也 案韓詩外傳引詩是用不就大明
傳集就

翰飛戾天傳戾至也 案文選西都注引韓詩翰飛厲天
薛君曰附也卷阿亦傳于天傳傳猶戾也苑柳亦傳于
天箋傳至也

題彼脊令傳題視也箋題之爲言睇視也 案說文目部
睇匪視也從目是聲廣韻十二齊睇遠視也廣雅題視
也說文見部題顯也從見是聲題卽題之段借字潛夫

論讀學引詩願彼鵲鳩徐幹中論貴驗引詩相彼脊令
宜岸宜獄傳岸訟也 釋文韓詩作犴鄉亭之繫曰犴朝
廷曰獄案初學記獄類引詩宜犴宜獄韓詩外傳曰鄉
亭之繫曰犴朝廷曰獄說文豸部犴胡地野狗從豸干
聲或從犴詩曰宜犴宜獄周禮射人鄭注犴讀如宜犴
宜獄之犴鹽鐵論刑德篇引詩宜犴宜獄文選范蔚宗
皇后紀論注亦引毛詩宜犴宜獄荀子宥坐篇獄犴不
治楊倞注犴亦獄也詩曰宜犴宜獄獄字從二犬象所
以守者犴胡地野犬亦善守故獄謂之犴也後漢書崔
駟傳獄犴填滿注引前書音義曰鄉亭之獄曰犴朝廷

曰獄梁書武帝詔鉗欽之刑歲積於牢犴高彪碑獄獄生少卽犴字也毛公作岸段借字依字當作犴皇矣箋云岸訟也義本故訓

怒焉如擣傳擣心疾也 釋文本或作癘同韓詩作疔案

說文疔部疔小腹病從疔肘省聲玉篇疔心腹疾也廣韻四十九宥疔直疔反心腹疾癘上同毛作擣段借字譬彼壞木傳壞癘也謂傷病也 正義曰爾雅注某氏曰

譬彼癘木案釋木釋文稱樊光引詩譬彼癘木沈旋疑非光注故沖遠渾言某氏也說文疔部癘病也從疔鬼聲詩曰譬彼癘木許氏所引與故訓正合

尙或墮之傳墮路冢也 案說文尙部墮道中死人人所
覆也從占堇聲詩曰行有死人尙或殓之荀子禮論篇
以昏殓楊注殓道死人也詩曰行有死人尙或殓之九
經字樣亦作殓與說文引詩同墮段借字依字當作殓
小弁傳高子曰小弁小人之詩也孟子曰何以言之曰怨
乎孟子曰固哉夫高叟之爲詩也有越人於此闕弓而
射之我則談笑而道之無他疎之也兄弟鬩弓而射我
我則垂涕泣而道之無他戚之也然則小弁之怨親親
也親親仁也固哉夫高叟之爲詩曰凱風何以不怨曰
凱風親之過小者也小弁親之過大者也親之過大而

不怨是愈疎也親之過小而怨是不可磯也愈疎不孝也不可磯亦不孝也孔子曰舜其至孝矣五十而慕

正義曰皆孟子文案毛公多引傳記說詩最爲近古東漢以後以注附經古意寢微矣絲衣序引高子曰靈星之尸也韓詩外傳稱高子問於孟子曰夫嫁娶者非己所自親也衛女何以得編於詩也孟子曰有衛女之志則可無衛女之志則怠釋文序錄引徐堅云子夏授高行子高行子授薛倉子薛倉子授帛妙子帛妙子授河間人大毛公爲詩故訓傳於家高行子當卽高子高子爲子夏弟子孟子稱之曰叟有以夫

子夏猶及見魏文侯故其弟子得與

孟子同時又案趙岐注孟子曰小弁伯奇之詩伯奇仁人而

父虐之故作小弁之詩曰何辜于天親親而悲怨之辭

也與毛詩不同王充論衡書虛篇伯奇放流首髮早白

詩云惟憂用老又中山靖王勝傳聞樂對曰伯奇所以

流離下引詩我心憂傷惄焉如擣亦以小弁爲伯奇詩

蓋三家之說也伯奇乃尹吉甫子

文選笛賦注引琴操路史發揮引曹子建

惡鳥論並謂尹吉甫子後漢書周舉傳注引說苑謂王國子此傳聞之異

而邵武士人僞疏

乃云伯奇宜曰也亦太憤憤矣

哆兮侈兮傳哆大也案說文口部哆張口也從口多聲

金部侈一曰詩云侈兮侈兮繫傳侈一曰若詩曰侈兮

之侈同大徐本誤倒經文當以小徐本為正唐石經亦作哆兮侈兮詩考補遺引說文侈兮哆兮當是侈若侈

兮之訛也詩攷多訛字別有按注本

哆兮侈兮傳昔者顏叔子獨處於室鄰之釐婦又獨處於室夜暴風雨至而室壞婦人趨而至顏叔子納之而使執燭放乎旦而蒸盡縮屋而繼之自以為辟嫌之不審矣若其審者宜若魯人然魯人有男子獨處於室鄰之釐婦又獨處於室夜暴風雨至而室壞婦人趨而託之男子閉戶而不納婦人自牖與之言曰子何為不納我乎男子曰吾聞之也男子不六十不閒居今子幼吾亦

幼不可以納子婦人曰子何不若柳下惠然嫗不逮門
之女國人不稱其亂男子曰柳下惠固可吾固不可吾
將以吾不可學柳下惠之可孔子曰欲學柳下惠者未
有似於是也 正義曰此言當有成文不知所出家語
畧有其事其言與此小異又無顏叔子之事非所引也
案家語好生篇襲用毛傳而小變之玉肅僞撰不足據
也文選王子淵洞簫賦浸淫叔子遠其類李善注引毛
詩傳顏叔子事張平子東京賦昭藐流盼一顧傾城展
季桑門誰能不營展季卽柳下惠也 李善注 是漢儒多
用此事荀子大畧篇子夏曰柳下惠與後門者同衣而

不見疑非一日之間也後門卽所謂嫗不逮門不見疑卽所謂不稱其亂毛公親事荀卿淵源子夏其所傳述蓋西河授受之緒言也又案後漢書崔駰傳展季効貞於門女章懷注引韓詩外傳曰魯有男子獨處夜暴風雨至婦人趨而託之男子閉戶不納曰吾聞男女不六十不閒居婦人曰子何不學柳下惠然嫗不逮門之女國人不稱其亂焉是韓詩亦有此文與毛詩同今本外傳無之傳寫脫也焦氏易林隨之謙云顏叔子夏

徐幹中論

貴驗云伊尹放太甲展季覆寒女商魯之民不稱其亂焉列女傳齊威虞姬傳柳下覆寒女而不亂

桃桃公子傳桃桃獨行貌

釋文韓詩作嬿嬿往來貌並

音挑案釋訓佻佻契契愈退急也文選魏都賦注引爾雅作燿燿李善云佻或作燿以偏旁考之周禮守祧注古文祧爲濯顧命王乃兆類水鄭注讀兆爲濯見吳志虞翻傳注是從兆從翟之字古通用也廣韻二十九篠燿燿往來貌韓詩曰燿歌巴人歌也韓詩曰三字當在往來貌之上

行彼周行箋送轉餽因見使行 釋文餽音運案說文食部餽野饋曰餽從食軍聲左傳成五年宣伯餽諸穀杜注野饋曰餽運糧饋之黍苗箋云營謝轉餽之役

舟人之子熊羆是裘箋舟當作周裘當作求聲相近故也

廣川書跋伯庶父尊敦銘曰伯庶父作王姑月姜尊敦朱鮪集字月爲古文周字顧野王謂月爲周詩言舟人之子則周也又史伯碩父鼎銘王母月母則以舟爲王母其周女也晏案考工記作舟以行水注故書舟作周鄭司農云當爲舟堯廟碑委曲舟而隸釋云以舟爲周說苑立節篇有華舟卽華周也說文裘古文省衣作求然則鄭君所據皆古文也

跂彼織女傳跂隅貌 正義曰說文云歧頃也字從匕孫毓云織女三星跂然如隅案說文匕部歧從匕支聲引詩歧彼織女七頭頃也頃頭不正也織女三角歧然不

正如隅也毛許同意

終日七襄傳襄反也 正義曰謂從日至暮七晨而復反於夜也案文選顏延年夏夜詩注引韓詩終日七襄薛君曰襄反也與故訓傳合是毛韓詩同

東有啟明西有長庚傳日旦出謂明星爲啟明日既入謂明星爲長庚庚續也 正義曰釋天云明星謂之啟明孫炎曰明星太白也出東方高三舍今日曰明星昏出西方高三舍今日太白案爾雅郭注云晨見東方謂啟明昏見西方爲長庚史記索隱引韓詩太白星晨見東方爲啟明昏見西方爲長庚毛韓義同廣雅太白謂之長

庚傳庚續本釋詁文說文以庚爲古續字書皋陶謨正義引詩西有長賚

亂離瘼矣爰其適歸箋爰曰也 案文選關中詩注引韓詩亂離斯莫爰其適歸薛君曰莫散也讓吏部封侯表注引韓詩亂離瘼矣爰其適歸薛君曰瘼散也左傳宣十二年引詩亂離瘼矣爰其適歸杜注爰於也說苑政理篇詩不云乎亂離瘼矣爰其適歸此傷離散以爲亂者也漢以前古本皆作爰王肅家語辯政篇妄改爲奚而集傳誤信之

百卉俱腓傳腓病也 釋文韓詩云變也案文選謝靈運

送孔令詩注引韓詩秋日淒淒百卉俱腓薛君曰腓變也俱變而黃也腓音肥毛萇曰痲病也今本作腓字非李善此說甚明釋詁痲病也郭注痲見詩玉篇引詩百卉俱痲傳訓爲病當作痲爲是

廢爲殘賊傳廢怵也正義曰說文云怵習也案史記漢興諸侯年表序諸侯或驕奢怵邪臣計謀爲淫亂後漢馮異傳怵怵小利注怵怵慣習也王肅改爲廢大也定本誤從之非也

不出於頰傳頰光也案說文火部頰火光也從火頃聲偕偕士子傳偕偕強壯貌案說文人部偕彊也從人皆

聲詩曰偕偕士子一曰俱也徐鍇繫傳曰彊力也能皆同於人是彊也

憂心且妯傳妯動也箋云妯之言悼也 案檜羔裘中心是悼傳悼動也苑柳上帝甚蹈傳蹈動箋云蹈讀曰悼蹈悼妯音近義同故箋以妯爲悼方言妯擾也人不靜曰妯郭注謂躁擾也妯音迪廣韻二十三錫迪蹈也妯與蹈亦一聲之轉釋詁妯動也疏未引說文心部妯朗也從心由聲引詩憂心且妯許君訓朗未聞疑有訛誤以雅以南傳爲雅爲南也舞四夷之樂大德廣之所及也東夷之樂曰昧南夷之樂曰南西夷之樂曰朱離北夷

之樂曰禁 案明堂位昧東夷之樂也任南蠻之樂也

鄭注引詩以雅以南周禮誅師鄭司農說以明堂位云

誅東夷之樂鞮鞻氏掌四夷之樂注四夷之樂東方曰

誅南方曰任西方曰株離北方曰禁詩云以雅以南是

也賈疏引孝經緯鈞命洩云東夷之樂曰誅旄人疏文

孝經緯作侏明堂位正義作昧昧誅侏古通用南夷之樂曰任明堂位正義引

南西夷之樂曰侏離北夷之樂曰禁文王世子正義作傑文選東

都賦注引毛詩傳東夷之樂曰誅南夷之樂曰任詩釋

文作誅云本又作昧古南任聲近通用也後漢書陳禪

傳以雅以南誅任朱離章懷注毛詩無誅任朱離之文

蓋見齊魯之詩也今匹竊謂隸任朱離乃故訓之辭李
賢以爲詩之逸文誤矣魏都賦注引韓詩內傳曰王者
舞六代之樂舞四夷之樂大德廣之所及與毛義合後
漢書注引韓詩薛君章句南夷之樂曰南四夷之樂唯
南可以和於雅者以其人聲音及籥不僭差也是毛韓
義同白虎通禮樂引樂元語四夷之樂明德廣及之也
南夷之樂曰兜明堂位正義引白虎通西夷之樂曰禁
北夷之樂曰昧東夷之樂曰離樂元語爲河間獻王所
作漢食貨志毛公爲獻王博士其言德廣所及與樂元
語同說四夷之樂不同者傳聞異辭賈公彥鞞疏引虞

傳云陽伯之樂舞株離則東夷之樂亦名株離是伏生所說與獻王相符也又通典引五經通義云舞四夷之樂明德澤廣被四表也東夷之樂曰侏離南夷之樂曰任西夷之樂曰禁北夷之樂曰昧公羊昭廿五年注舞四夷之樂大德廣及之也東夷之樂曰株離南夷之樂曰任西夷之樂曰禁北夷之樂曰昧劉向何休所說與樂元語同

獻酬交錯傳東西爲交邪行爲錯 案特性禮交錯以辨鄭注交錯猶言東西

既齊既稷傳稷疾也箋稷之言卽也 夢溪筆談卷廿六

日稷乃今之際也齊晉之人謂卽積皆曰祭乃其土音無他義也

既優既渥 案文選塘上行注引詩既霑既渥毛傳渥厚也今傳無此文說文水部漫澤多也從水憂聲詩曰既漫既渥

先祖是皇箋皇之言睭也 案泮水箋云皇皇當作睭睭睭猶往往也釋詁睭睭皇皇美也說文作睭光美也少儀祭祀之美穆穆皇皇鄭注皇皇讀如歸往之往周禮保氏注祭祀之容穆穆皇皇釋文皇又音往釋名往睭也歸往於彼也故其言之叩頭以指遠也

或耘或耔傳耔壅本 案說文禾部耔壅禾本從禾子聲
廣韻耔壅苗本也周禮甸師注耨芸芋也賈疏芋幄本
也漢食貨志引詩或芸或芋芋附根也言苗稍壯每耨
輒附根班云附根猶毛云壅本也三公山碑或芸或芋
耔耔芋聲同通用

大田箋至孟春土長冒擷陳根可拔而事之 正義曰孟
春土長冒擷陳根可拔月令注引此言農書漢書藝文
志農書有七家不知出誰書也案周語韋昭注亦引農
書曰春土冒擷陳根可拔月令孔疏云先師以爲汜勝
之書

以我覃耜傳覃利也 釋文覃以冉反案釋詁刻畧利也
郭注引詩以我刻耜說文刀部刻銳利也從刀炎聲文
選東京賦介馭間以刻耜李善注覃與刻同

俶載南畝箋俶讀爲熾載讀爲蓄栗之蓄時至民以其利
耜熾蓄發所受之地趨農急也 正義曰方言入地曰
熾反草曰蓄也惠棟曰地理志云梁國留縣故戴國春
秋正義曰古者留戴聲相近戴與載通晏案中庸上天
之載鄭注載讀曰栽謂生物也釋地田一歲曰蓄郭注
今江東呼初耕地反草爲蓄釋文蓄本或作留同孫音
災詩疏引孫炎曰蓄謂始災殺其草木也古蓄載栽災

聲近通用凡入地深而建立者皆曰菑考工記輪人鄭
司農注泰山平原所樹立物爲菑聲如戴博立臬某亦
爲菑弓人菑栗不弛先鄭注菑讀爲不菑而畚之菑漢
書張耳陳餘傳注李奇曰東方人以物插地中爲事師
古曰事音側吏反字本作傳周官考工記又作菑音皆
同耳管子輕重篇春有以剗耕夏有以洩耘又傳戟十
萬釋名釋言語事傳也傳立也凡所立之功也故青徐
人言立曰傳也菑事傳剗音近義同皇矣其菑其翳傳
木立死曰菑韓詩云菑反草也

春秋繁露五行相生篇
觀民懇草發漙漙菑音

同義

既方既阜箋方房也 案古方房通漢書高帝紀沛公攻
胡陵方與注音房

鞞琫有珌傳琫上飾珌下飾也天子玉琫而珌珌諸侯盪
琫而璆璆大夫鐐琫而璆璆士珌琫而珌璆 正義曰
傳因琫珌歷道尊卑所用似有成文未知所出惠棟曰
說文玉部云禮云佩刀天子玉琫而珌珌諸侯盪琫而
璆璆士珌琫而珌璆又云琫佩刀上飾珌佩刀下飾天
子以玉諸侯以金說文所稱禮者蓋逸禮也爾雅者六
經之訓詁也其釋器一則云黃金謂之盪其美者謂之
璆白金謂之銀其美者謂之鐐又云以蜃者謂之珌豈

非以禮有成文而爲是說與毛公詩傳多識故實可以
補傳記之缺學者省之案漢書王莽傳瑒瑒瑒孟康
曰佩刀之飾上曰瑒下曰瑒與毛公合

戢其左翼箋戢斂也

釋文韓詩云戢捷也捷其喙於左

也案捷插也

集韻捷與插同

插猶斂也與鄭同意

摧之秣之傳摧莖也箋云摧今莖字也

案釋文莖韓詩

云委也是韓詩作莖毛詩皆用古文三家詩皆用今文
故箋云今莖字也說文艸部莖斬芻從艸坐聲萎食牛
也藪以穀萎馬置莖中萎卽委也說文繫傳引詩芻之
餘之引下章秣之摧之作秣之剉之白孔六帖九十六

引詩程之秣之芻程莖剉音義同

蔦與女蘿傳蔦寄生也 正義曰蔦釋草無文寄生者毛

以時事言之耳案說文艸部蔦寄生草也從艸鳥聲引
詩此文或從木作蔦費鳳碑蔦與女蘿廣雅釋木亦作
蔦爾雅釋木寓木宛童郭注寄生樹一名蔦是釋木有
此文也

以慰我心傳慰安也 正義曰孫毓載毛傳云慰怨也定

本慰安也徧檢今本皆爲慰安凱風爲安此當與之同
矣釋文慰怨也王申爲怨恨之意韓詩作以愠我心愠
恚也本或作慰安也是馬融義馬昭張融論之詳矣案

說文心部愠怨也怨恚也韓詩訓爲怨恚與毛公異說
文又云慰安也從心尉聲一曰恚怒也許君序稱毛氏
古文故前一說從毛義後一說則兼采韓詩馬季長習
毛詩訓安正與毛合文選詠懷詩注引毛傳慰猶安存之也王肅申毛
德連建章臺集詩注引毛傳慰猶安存之也王肅申毛
爲怨恨因并改傳爲怨孫毓朋於王故用王本陸氏誤
從之非也當以正義本爲正

營營青蠅止于樊傳營營往來貌樊藩也箋與者蠅之爲
蟲汙白使黑汙黑使白喻佞人變亂善惡也 案論衡
商蟲篇詩曰營營青蠅止于藩愷悌君子無信讒言讒

言傷善青蠅汙白同一禍敗詩以爲與後漢書楊震傳
青蠅點素同茲在藩漢書武五子傳引詩止于藩昌邑
哀王驍傳引詩至于藩說文言部營小聲也從言熒省
聲詩曰營營青蠅爰部林藩也從爰林詩曰營營青蠅
止于林

構我二人箋構合也合猶交亂也 案釋文引韓詩構亂
也箋本韓詩

左右秩秩傳秩秩然肅敬也 案後漢書孔融傳引韓詩
言賓主初就筵之時秩秩然俱謹敬也與毛義同

發彼有的傳的質也 案荀子勸學篇質的張而弓矢至

焉玉篇的射質也釋元應瑜伽師地論音義云的射質也謂的然明見也今射棚中珠子是也

有壬有林箋云壬任也謂卿大夫也 案史記律書壬之爲言任也壬任聲相近

賓載手仇箋仇讀曰斟賓手挹酒 案大東毛傳挹斟也少牢饋食禮鄭注斟斟水器也釋文斟劉音苦侯反斟仇聲相近故鄭讀仇爲斟士冠禮鄭注勺尊升所以斟酒也說文斟挹也從斗奭聲徐錯繫傳云張衡思元賦斟白水以爲漿廣雅斟酌也

有頌其首傳頌大也 正義曰釋詁墳大也頌與墳字雖

異音義同案說文頁部頒大首也從頁分聲詩曰有頒
其首書盤庚疏引作有賁其首易賁卦釋文引傅氏曰
賁古斑字賁墳頒斑聲相近

赤芾在股邪幅在下傳諸侯赤芾邪幅幅偃也所以自偃
束也箋邪幅如今行滕也偃束其脛自足至膝故曰在
下 案內則偃鄭注偃行滕釋文偃本又作幅左傳桓
二年帶裳幅舄杜注幅若今行滕者劉熙釋名釋衣服
偃所以自偃束今謂之行滕言以裏腳可以跳騰輕便
也

殿天子之邦傳殿鎮也 案釋文鎮又音真本作墳古鎮

字讀如填與殿聲相近

平平左右傳平平辯治也

釋文韓詩作便便云閑雅之

貌案左傳襄十一年引詩便蕃左右釋訓便便辯也書堯典平章百姓史記五帝本紀作便章索隱曰今文作辯鄭注亦作辯古平便辯通用故毛以便便爲辯治

紉纒維之傳纒綏也

釋文纒韓詩云笮也笮音才各反

案爾雅釋水紉纒維之綉綏也紉纒聲近義同文選元皇后哀策文注引韓詩纒繫也繫謂以笮繫之也說文竹部笮笮也笮竹索也釋名引舟者曰笮笮作也作起也起舟使動行也劉向九歎云濟楊舟於會稽兮注楊

木之舟輕而易浮必竹竿維繫以制其行孔疏謂縹訓
爲綏綏又爲繫與韓同意

福祿脆之傳脆厚也 釋文韓詩作牝注同案釋詁牝厚
也說文月部脆或作牝

駢駢角弓傳駢駢調和也 釋文說文作弣案說文弓部

弣角弓也從弓冃聲角部駢用角低仰便也從羊牛角
讀若詩曰駢駢角弓許云低仰便猶低昂便也與毛公

調和同意

說文無駢字馬部新增
有之云從馬駢省聲

民之無良箋良善也 案後漢書肅宗紀注引韓詩人之

無良良善也言王者所爲無有善者各相與於一方而

怨之

雨雪漙漙見覲曰消傳覲日氣也 釋文韓詩作曠見日

出也曰消韓詩作聿消劉向同案漢書劉向傳引詩兩
雪庶庶見覲聿消荀子非相篇引詩雨雪漙漙宴然聿
消古曰聿通用說文曰部覲日見也從日從見見亦聲
引詩見覲曰消

莫肯下遺式居婁驕箋遺讀曰隨婁斂也 案周禮遺人
先鄭注遺讀如詩曰棄予如遺之遺釋文遺司農音維
雲漢以遺與雷摧協古音與隨近荀子非相篇引詩莫
肯下隧式居屢驕楊倌注隧讀爲隨屢讀爲婁斂也

文選歎逝賦注引薛君韓詩章句隤猶遺也古隤隤隨遺聲相近大雅草不潰茂傳潰遂也說文自部隤下隤也士喪禮注襚之言遺也

謂之尹吉箋吉讀爲姑尹氏姑氏周室昏嫺之舊姓也

案晉語黃帝之子得姓者十四人姑其一也漢書古今人表姑人棄妃潛夫論志氏姓黃帝之子二十五人姑氏封于燕及鄭文公有賤妾燕姑姑氏之別有闕尹蔡光魯雍斷密須氏及漢河東有邳都汝南有邳君章姓音與古姑同而書其字異鍾鼎款識故義母作旅匪寅蓋云叔邦父叔故叔留敦云叔留生作尹坎尊敦卽尹

媧之異文

垂帶而厲箋厲字當作裂 案思齊烈假不瑕鄭作厲假
古厲烈通用祭法厲山氏國語作列山春秋隱二年紀
裂繻釋文裂或音厲內則注引詩作垂帶如厲箋云而
亦如也古而如通用

英英白雲傳英英白雲貌 釋文韓詩作泱泱同案說文
泱泱也雲氣起貌文選射雉賦天泱泱以垂雲徐爰注
泱音英李善曰泱與英古字通

視我邁邁傳邁邁不說也 釋文韓詩及說文並作怖怖
孚呖反又孚葛反又匹代反韓詩云意不說好也許云

五 集音來 二 一
很怒也案今說文作恨怒也毛用段借字作邁韓許作
怖怖是正字

有扁斯石履之卑今傳扁扁乘石貌王乘車履石 案淮
南子齊俗訓周公踐東宮履乘石注人君升車有乘石
也

有免斯首箋云斯白也今俗語斯白之字作鮮齊魯之間
聲近斯 正義曰宣二年左傳曰于思于思服虔云白
頭貌字雖異蓋亦以斯聲近鮮故爲白頭也惠棟曰爾
雅釋詁曰鮮善也釋文曰本或作誓沈旋曰古斯字說
文雨部霽從雨鮮聲讀若斯此鮮與斯聲近之證晏案

漢書匈奴傳黃金犀毗一師古曰亦曰解卑亦謂師比
總一物也語有輕重耳左傳釋文引賈逵亦云思白頭
貌

炮之燔之傳毛曰炮加火曰燔 案文選西都賦注引毛

詩魚之燔之毛萇曰去毛曰魚去毛加火對文毛傳多
此句法孔疏謂傳直言毛曰魚是合毛而炮之與李善
所見本異周禮封人毛炮之豚鄭注燭去其毛而炮之
言去毛亦得通也釋元應五分律音義引毛詩以毛曰

炮

說文炮毛
炙肉也

牂羊墳首傳牂羊牝羊也 案說文牂牝羊也牡字轉寫

之訛初學記羊類集韻並引說文牂牝羊也則牡字之
誤無疑矣爾雅釋畜牡牝牝牂廣雅其牝三歲曰牂釋
元應引字林牂牝也並與毛公合近刻段注說文亦改
作牝羊惜不引初學

記集韻
正之